

**Ekonomski fakultet**

Broj: 01-3-5997/21

Datum: 23.11.2021.

Na osnovu člana 136. Zakona o visokom obrazovanju (Sl. novine KS, broj 33/17) i člana 108. Statuta Univerziteta u Sarajevu, a u skladu sa Naredbom Kriznog štaba federalnog ministarstva zdravstva od 18.11.2021. godine, Zaključkom Vlade Kantona Sarajevo od 26.08.2021. godine (a na Prijedlog Kriznog štaba Ministarstva zdravstva Kantona Sarajevo), Zaključkom Vlade Kantona Sarajevo broj 02-04-4004-21/21 od 4.11.2021. godine, Dekanesa Ekonomskog fakulteta u Sarajevu, donosi

KRIZNI PLAN PRIPRAVNOSTI**UNIVERZITET U SARAJEVU – EKONOMSKI FAKULTET****I PREDMET I PRIMJENA**

Kriznim planom pripravnosti i odgovora na pojavu bolesti uzrokovane virusom COVID-19 (u daljem tekstu Plan) utvrđuju se: imenovanje Kriznog štaba Univerzitet u Sarajevu- Ekonomski fakultet (u daljem tekstu: Fakultet), mjere koje se na Fakultetu preduzimaju u kontekstu borbe protiv zarazne bolesti i krajnje neizvjesne epidemiološke situacije u vezi sa SARS-CoV-2, a shodno mjerama koje putem naredbi donose nadležni krizni štabovi ministarstva zdravstva, te preporuke zaposlenim i studentima u cilju poduzimanja neophodnih aktivnosti u vezi sa prevencijom širenja zaraze u prostorijama Fakulteta.

Plan se temelji na odredbama Zakona o zaštiti stanovništva od zaraznih bolesti, Naredbi Kriznog štaba federalnog ministarstva zdravstva od 18.11.2021. godine, Zaključki Vlade Kantona Sarajevo od 26.08.2021. godine (a na Prijedlog Kriznog štaba Ministarstva zdravstva Kantona Sarajevo), Zaključku Vlade Kantona Sarajevo broj 02-04-4004-21/21 od 4.11.2021. godine.

Dekanesa Fakulteta je Odlukom broj 01-3-1662/20 od 10.03.2020. godine imenovala Krizni štab Fakulteta za poduzimanje neophodnih aktivnosti u vezi sa sprečavanjem širenja zaraze u radnim prostorijama Fakulteta, koji će u cilju zaštite zdravlja i prevencije zaraze koronavirusom, kontinuirano pratiti epidemiološku situaciju i organizirati rad na Fakultetu shodno odlukama relevantnih tijela Federacije BiH, Kantona Sarajevo i Univerziteta u Sarajevu.

II OPĆE MJERE UTVRĐENE PLANOM

1. Mjere koje se usmjerene prema zaposlenicima,
2. Mjere koje su usmjerene prema studentima i drugim posjetiocima

1.1. Mjere koje su usmjerene prema zaposlenicima

- Obavezno pridržavanje svih preporučenih higijensko epidemioloških mjera (pranje ruku, dezinfekcija ruku, provjetravanje kancelarija i drugih mjera nadležnih tijela);
- Svakodnevno mjerenje temperature svim zaposlenicima sa beskontaktnim termometrom. Ukoliko se kod nekog zaposlenika prilikom dolaska na posao ustanovi povišena tjelesna temperatura (viša od 37,2°), zaposleni i recepcioner su dužni obavjestiti neposrednog rukovodioca, zaposlenik odmah napušta zgradu i kontaktira svog porodičnog ljekara;
- Za postupak mjerenja tjelesne temperature zaposlenika, studenta i ostalih posjetilaca odgovoran je zaposlenik zadužen za kontrolu ulaska i izlaska iz zgrade (recepcioner), koji vodi evidenciju o vrijednosti izmjerene temperature zaposlenika;
- Zaposlenici su dužni da održavaju fizičku distancu (izbjegavanje direktnih kontakata, posebno na udaljenosti manjoj od 2 metra i duže od 15 minuta);
- Obavezno je nošenje zaštitnih maski u svim kancelarijama/prostorima koje koristi Fakultet uz mogući izuzetak koji opravdava odsustvo bliskog kontakta (zaposlenik je sam u kancelariji);
- Interni sastanci zaposlenika se održavaju korištenjem informatičko komunikacijske tehnologije (razne aplikacije i platforme, e-mail itd); U slučaju neophodnosti, sastanak je moguće održati na način da se poštuju mjere fizičke distance od 2 metra i obavezno nošenje zaštitnih maski;
- Na ulazu u zgradu Fakulteta obavezna je dezinfekcija ruku korištenjem dozatora sa dezinfekcionim sredstvom, kao i prolazak kroz dezbarijeru za obuću postavljenu na ulazu kako se mikroorganizmi preko obuće ne bi unosili u zgradu Fakulteta;
- U prostoru ulaza u Fakultet i aule, kao i svim ostalim prostorijama ne smije se dozvoliti istovremeni boravak više osoba kojim bi se narušilo održavanje fizičke distance od 2 metra, a za isto je odgovoran recepcioner;
- U slučaju pojave simptoma gripe, sumnje na kontakt sa zaraženom osobom, naložene preventivne izolacije zbog rizičnog kontakta ili pozitivnog rezultata testiranja, zaposlenici su dužni odmah obavjestiti neposrednog rukovodioca putem telefona, ne dolaziti na posao, te kontaktirati ljekara porodične medicine;
- U slučaju pojave povišene temperature ili drugih simptoma COVID 19 kod zaposlenika tokom radnog vremena/boravka u prostorijama Fakulteta, isti je dužan odmah obavjestiti neposrednog rukovodioca, te napustiti prostorije Fakulteta;
- U cilju smanjenja rizičnih kontakata, sve službene sastanke van zgrade obavljati po mogućnosti online, a u slučaju neophodnosti prisustva na istim, sastanke realizirati uz poštivanje svih epidemioloških mjera (fizička distanca, maska itd.);
- Zaposlenici Fakulteta su dužni da vode računa o osobama sa kojima su bili u kontaktu u posljednjih 48 sati (posebno o onima sa kojima je kontakt bio na manjoj udaljenosti od 2 metra i bez zaštitne maske);

1.2. Mjere koje su usmjerene prema studentima i drugim posjetiocima

- Obavezno je mjerenje tjelesne temperature svim studentima i drugim posjetiocima koji ulaze u zgradu Fakulteta i vođenje evidencije o istoj;
- Obavezno je popunjavanje Izjave od strane studenata i drugih posjetilaca da nemaju simptome koronavirusa i da nisu bili u kontaktu sa zaraženom osobom.
- Obavezno je poštivanje svih higijensko-epidemioloških mjera: nošenje maske, dezinfekcija ruku na ulazu, prolazak kroz dezbarijeru za obuću,
- Zabranjeno je okupljanje i grupisanje studenata i drugih lica na ulazu i auli Fakulteta;
- Vraćanje pozajmljenih knjiga u biblioteku vršit će se prema unaprijed dogovrenim terminima;
- Zabranjuje se ulazak u prostorije Fakulteta osobama koje dostavljaju poštu, dostavljačima i drugim osobama, već se sva pošta i dostava obavlja na Protokolu Fakultet;
- Svi planirani servisi i intervencije na opremi trebaju se svesti na minimum uz poštivanje principa neophodnosti. Neophodne intervencije na opremi provodit će se uz pojačane mjere opreza i prethodnu najavu. Serviseri prilikom ulaska moraju koristiti zaštitnu opremu i postupati prema propisanim higijenskim mjerama zaštite.

III MJERE HIGIJENE

- Dozatore za dezinfekcijska sredstva, kao i dezbarijere postaviti unutar Fakulteta, kao i pisana upozorenja o obaveznom korištenju istih;
- Redovno dopunjavanje dezinfekcionog sredstva u dozatore je odgovornost osobe zadužene za održavanje higijene prostorija u kojima se dozatori nalaze;
- Sve radne prostorije Fakulteta više puta tokom dana provjetravati prirodnom ventilacijom (otvaranje prozora);
- Obezbjediti dovoljne količine ubrusa, toaletnog papira, tečnog sapuna u svim toaletima Fakulteta;
- Svakodnevno čišćenje (više puta na dan) dodirnih površina (kvake na vratima, rukohvate, šaltere, lift i druge površine koje koristi više korisnika) za šta je odgovorna osoba zadužena za održavanje higijene;
- Tlačnom pumpom omogućiti svakodnevnu dezinfekciju podova;
- Na pultu biblioteke obavezno stoji dezinfekciono sredstvo, a vraćenu knjigu biblioteka je dužna staviti 7 dana u posebnu prostoriju u karantin;
- Preporučuje se zaposlenicima Ekonomskog fakulteta u Sarajevu da se vakcinišu, uz plaćeno odsustvo na dan odlaska na vakcinaciju.
- Zadujuju se svi radnici da maksimalno vode računa o pojačanoj higijeni svog radnog mjesta, radnog prostora i o socijalnoj distanci.

IV ORGANIZACIJA RADA I POSLOVA NA EFSA

- Prilikom organizovanja poslova, a u skladu sa odlukama nadležnih organa, neophodno je omogućiti efikasno i neometano obavljanje poslova, a posebno podrške studentima, kako bi im se u u najvećoj mogućoj mjeri nadomjestilo uobičajno in class održavanje nastave i ispita, ali i izbjegle situacije koje bi mogle doprinjeti širenju zaraze;
- Sjednice Vjeća fakulteta, Vijeća doktorskog studija, Katedri, te drugih stručnih i savjetodavnih tijela će se održavati online, a sjednice snimati;
- Sve službe Fakulteta radit će normalno radno vrijeme, ali u slučaju pogoršanja epidemiološke situacije i pojave zaraze na Fakultetu, a u skladu sa odlukama viših instanci, može se donijeti odluka o radu u manjim grupama, radu u dvije smjene, odvojenim prostorijama i sl., kao i odluka o prelasku na režim rada od kuće gdje je to moguće.
- U slučaju potrebe prelaska na ovakav režim rada, svi rukovodioci službi dužni su nadležnom Prodekanu dostaviti spiskove rasporeda osoblja po timovima/smjenama vodeći računa o tome da su timovi podjednako kompetentni za odvijanje svih poslova i zadataka, kako bi se uvijek znalo ko je u zgradi Fakulteta.
- Prilikom formiranja timova ili donošenja odluke za rad od kuće, maksimalno će se voditi računa o samohranim roditeljima, roditeljima malodobne djece, uposlenicima starije životne dobi, hroničnim bolesnicima itd.
- Zaposlenici Fakulteta su u obavezi da pripreme predmete i pripadajuću dokumentaciju kako bi ona bila na raspolaganju zaposleniku koji ga u slučaju potrebe mjenja.
- Zaposlenici kojima je izdato Rješenje o preventivnoj izolaciji, obavezno se javljaju liječniku porodične medicine radi reguliranja korištenja prava na privremenu spriječenost za rad.

V ORGANIZACIJA I REALIZACIJA NASTAVANIH AKTIVNOSTI

- Nastava za studente I ciklusa studija Ekonomskog fakulteta u Sarajevu u zimskom semestru akademske 2021/2022. godine će se izvoditi po sistemu koji kombinuje In class/(BBB) sesije (live sesije putem virtuelne učionice) i “online” oblik izvođenja nastave uz korištenje online materijala sa standardnog Moodle courseware-a. Raspored izvođenja nastave po sedmicama dat je u prilogu Kriznog plana pripravnosti. Sva realizirana nastava će biti snimljena, kao takva biti dostupna studentima i pohranjena.
- Nastava za studente II ciklusa studija Ekonomskog fakulteta u Sarajevu, u zimskom semestru akademske 2021/2022. godine će se izvoditi po sistemu koji kombinuje In class/(BBB) sesije (live sesije putem virtuelne učionice) i “online” oblik izvođenja nastave uz korištenje online materijala sa standardnog Moodle courseware-a. Raspored izvođenja nastave po sedmicama dat je u prilogu kriznog plana pripravnosti. Sva realizirana nastava će biti snimljena, kao takva biti dostupna studentima i pohranjena.

- Nastava se u uvjetima neizvjesne epidemiološke situacije uzrokovane virusom COVID-19 i na osnovu odluka i naredbi kriznih štabova i Senata UNSA nastavlja odvijati on line, i to putem Coursewar EFSA, BigBlueButton sistema virtualne online učionice na EFSA zasnovane na savremenim web conferencing tehnologijama koji ima mogućnost grupne, interaktivne, dvosmjerne komunikacije sa mogućnošću snimanja iste, kao i drugih raspoloživ kanala elektronske komunikacije. Ukoliko epidemiološka situacija dozvoli sistem izvođenja nastave će se mijenjati za ljetni semestar školske 2021/2022. godine;
- Nastavnici i saradnici su dužni prilagoditi Syllabuse predmeta on line okruženju i o tome informisati studente uključujući formu, način realizacije i trajanje parcijalnih i završnih ispita. Ukoliko Syllabus predviđa i usmeni ispit isti će biti organizovan putem Big Blue Button platforme;
- Nastava II ciklusu studija, uključujući i komercijalne Master programe, kao i na doktorskom (III ciklusu studija) odvijat će se on line, do novih uputa kriznih štabova;
- U skladu sa mogućnostima EFSA će za studente organizovati i webinare sa aktualnim temama o zaštiti i sprečavanju širenja zaraze COVID-19;
- Dozvoljeno je organizovanja seminara, konferencija i sl. u prostorijama Fakulteta, do maksimalno 50 osoba u zatvorenom prostoru, uz uvjet da svi učesnici skupa imaju: negativan antigenski test ili PCR test, ne stariji od 48 sat, potvrdu o prebolovanom COVID – 19 ne stariju od 6 mjeseci ili potvrdu o primljene dvije doze vakcine.
- Tokom realizacije online nastave, neophodno je da nastavnici maksimalno ispune standardne zahtjeve kvaliteta koji su istovjetni onima kod izvođenja nastave u redovnim uslovima;
- Za evidenciju prisustva studenata na predavanjima/vježbama nastavnici /saradnici će koristiti BigBlueButton platformu, a o održanoj nastavi dostavljati Izvještaje;
- Konsultacije sa studentima izvoditi korištenjem BigBluebutton platforme, e-maila i drugih vidova informatičke tehnologije;
- Ispiti na komercijalnim programima II ciklusa i na III ciklusu studija će se također organizovati on line prema rasporedu kojeg će utvrditi voditelj studija i predmetni nastavnik;
- Odbrane završnih radova na I i II ciklusa studija, kao i doktorskih disertacija organizovati on line ili in class uz prisustvovanje samo kandidata i komisije (bez prisustva publike), uz poštivanje svih epidemioloških mjera.

VI ODGOVORNOST ZA POSTUPANJE PREMA PLANU PRIPRAVNOSTI


- Za postupanje prema Kriznom planu pripravnosti i za njegovu implementaciju odgovorni su svi zaposlenici, osim ako iz pojedinih mjera ne proizlazi odgovornost samo pojedinih članova;
- Svi zaposlenici, studenti i drugi posjetioци Fakulteta su obavezni odgovorno i kontinuirano provoditi i poštivati propisane mjere, kao i preporuke i naredbe viših instanci.
- Nepridržavanje mjera propisanih Planom od strane uposlenika i studenata predstvalja kršenje Zakona o zaštiti stanovništva od zaraznih bolesti FBiH.
- Plan stupa na snagu danom donošenja, a usklađivanje, izmjene i dopune Plana vršit će se shodno novim naredbama viših instanci (Kriznog štaba Federalnog ministarstva zdravstva, Kriznog štaba Mnistarstva zdravstva KS, Vlade KS, Ministarstva obrazovanja KS i Senata UNSA).

Prilozi:

- Naredba Kriznog štaba Federalnog ministarstva zdravstva od 18.11.2021.
- Zaključak Vlade Kantona Sarajevo broj 02-04-40041-21/21 od 4.11.2021.
- Sistem za izvođenje nastave na I ciklusu studija u zimskom semestru akademske 2021/2022
- Sistem izvođenja nastave na II ciklusu studiju u zimskom semestru akademske 2021/2022.

Dostaviti:

- svim zaposlenicima EFSA
- web stranica
- Rektorat UNSA
- a/a



Prilog 1.

NAREDBE KRIZNOG ŠTABA FEDERALNOG MINISTARSTVA ZDRAVSTVA

I. OPĆE NAREDBE

1. Naređuje se vladama kantona, odnosno kriznim štabovima kantonalnih ministarstava zdravstva donošenje restriktivnijih mjera u odnosu na mjere iz ove naredbe, u skladu s procjenom rizika događaja koji mogu dovesti do pogoršanja epidemiološke situacije, kao i na osnovu aktuelne epidemiološke situacije koja se bazira na sedmičnoj incidenci zaraženih, broju hospitaliziranih pacijenata, broju pacijenata koji koriste respiratornu podršku i raspoloživosti svih resursa u zdravstvu (tehničkih, ljudskih i dr.).
2. Naređuje se obavezno nošenje zaštitnih maski preko usta i nosa za zaštitu respiratornog sistema u zatvorenom prostoru i uz poštivanje razmaka od minimalno 2 metra.

Nalaže se obavezno nošenje maske i na otvorenom prostoru, ako se ne može ostvariti razmak od 2 metra. Obavezno je nošenje maski na stajalištima javnog prevoza, pijacama/otvorenim tržnicama i na drugim mjestima gdje se primijeti veća fluktuacija stanovništva.

Izuzetno, zaštitne maske nisu obavezni nositi:

- djeca mlađa od šest godina, osobe koje imaju probleme s disanjem zbog hroničnih bolesti ili koje ne mogu skinuti masku bez pomoći druge osobe, npr. osobe s intelektualnim poteškoćama ili smetnjama u razvoju, osobe s oštećenjem sluha;
- učenici osnovnih škola od 1. do 5. razreda tokom obavljanja nastave u učionicama;
- sportisti na utakmicama, treninzima i sportskim aktivnostima, vozači na biciklu, električnom romobilu i motociklu;
- članovi iste porodice koji na otvorenom prostoru ne ostvaruju razmak od 2 metra.

3. Dopušteno je okupljanje ljudi na određenom prostoru pod sljedećim uvjetima:

- ne više od 50 ljudi u zatvorenom prostoru;
- ne više od 100 ljudi na otvorenom prostoru.

Sva okupljanja unutar navedenih ograničenja moraju se odvijati u prostoru koji omogućuje obavezni fizički razmak od najmanje 2 metra između osoba (osim članova istog domaćinstva).

S ciljem smanjivanja rizika od COVID-19, kao i zaštite ličnog zdravlja, za vrijeme okupljanja potrebno je obavezno pridržavanje preporuka koje su donijeli zavodi za javno zdravstvo u Federaciji BiH (higijensko-epidemioloških mjera). Za provođenje mjera na skupovima odgovorni su organizatori okupljanja. Organizator je prilikom održavanja skupa dužan postupati u skladu s propisima o javnom okupljanju.

4. Nalaže se kriznim štabovima kantonalnih ministarstava zdravstva da na osnovu procjene COVID-19 epidemiološke situacije na području kantona reduciraju broj osoba, od maksimalno dopuštenog broja osoba u otvorenom i zatvorenom prostoru u skladu s tačkom 3. ove naredbe, na skupovima koji se održavaju, poput: političkih skupova, vjenčanja, svadbi, krizmi, sprovoda, dženaza i drugih porodičnih okupljanja i sličnih događaja, a u cilju sprječavanja širenja infekcije COVID-19 među stanovništvom, kao i zaštite ličnog zdravlja i javnog zdravlja stanovništva.
5. Izuzetno od tačke 3. ove naredbe, dopušta se organiziranje i većih okupljanja, do maksimalno 150 osoba u zatvorenom i 300 osoba na otvorenom, pod uvjetom da veličina prostora omogućava provođenje higijensko-epidemioloških mjera.

Uvjet je da svi učesnici skupa imaju:

- negativan antigenski ili PCR test, ne stariji od 48 sati ili
- potvrdu o prebolovanom COVID-19, ne stariju od 6 mjeseci - ili potvrdu o završenoj vakcinaciji.

Za provođenje epidemioloških mjera i organizaciju skupa odgovoran je organizator skupa.

Organizator skupa iz ove tačke dužan je prethodno pribaviti saglasnost od nadležnog kriznog štaba kantonalnog ministarstva zdravstva koja se izdaje na osnovu mišljenja nadležnog zavoda za javno zdravstvo kantona, koje sadrži procjenu rizika.

6. U uvjetima COVID-19 epidemiološke situacije u Federaciji BiH naređuje se striktno poštivanje preporuka Zavoda za javno zdravstvo Federacije Bosne i Hercegovine, za sve one na koje se preporuke odnose, a koje su dostupne na www.zzjzfbih.ba, i to:
 - preporuke za državljane BiH i strane državljane koji ulaze u BiH;
 - preporuke - javni prevoz;
 - preporuke za muzeje, galerije, kina i sl.;
 - preporuke za ugostiteljske objekte;
 - preporuke za škole u kontekstu COVID-19 za školsku 2021./2022. godinu;
 - preporuke - vrtići;
 - preporuke za stomatološke ordinacije;

- preporuke - trajni smještaj i zbrinjavanje;
 - preporuke za sportsko-rekreativne aktivnosti – dopuna;
 - preporuke za rad hotela;
 - preporuke za trgovine, uslužne djelatnosti, tržne centre;
 - preporuke – proslave;
 - preporuke za rad studentskih domova u kontekstu COVID-19.
7. Naređuje se Federalnoj upravi za inspekcijske poslove i kantonalnim upravama za inspekcijske poslove, kao i inspekcijama organiziranim pri nadležnim ministarstvima u kantonu, odnosno nadležnim općinskim i gradskim inspektorima da kontinuirano kontroliraju provođenje Naredbe pod tač. 2., 3., 4., 5. i 6. ovog poglavlja te u skladu sa svojim ovlastima poduzimaju mjere iz okvira svoje nadležnosti, koja uključuje pokretanje krivičnih prijava protiv počinitelja za koje se postavi osnovana sumnja da ne izvršavaju naredbe u uvjetima pandemije COVID-19 za krivična djela kažnjiva po Krivičnom zakonu Federacije BiH.
 8. Traži se od nadležnih uprava policije i nadležnih tužilaštava hitno postupanje po podnesenim krivičnim prijavama iz tačke 7. ove naredbe, u skladu s njihovim ovlastima.

II. NAREDBE ZA KRIZNE ŠTABOVE KANTONALNIH MINISTARSTAVA ZDRAVSTVA I USTANOVE I DRUGE SUBJEKTE U OBLASTI ZDRAVSTVA

1. Obavezuju se krizni štabovi kantonalnih ministarstava zdravstva, kao i zdravstvenih ustanova s područja kantona, da redovno revidiraju krizne planove pripravnosti i odgovore na pojavu novog koronavirusa (COVID-19), prema promjeni epidemiološke situacije na području kantona ili lokalne zajednice.
2. Naređuje se vladama kantona, odnosno kriznim štabovima kantonalnih ministarstava zdravstva obavezno postupanje po dokumentu „Javnozdravstveni kriteriji za prilagođavanje javnozdravstvenih i društvenih mjera u kontekstu COVID-19“.
3. Pravilo VTP će se početi primjenjivati od dana, 20.12.2021. godine i to prvobitno za uposlenike zdravstvenih ustanova (privatnih i javnih), uposlenike ustanova socijalne zaštite (privatne i javne), te uposlenike javne uprave svih nivoa vlasti. Kantoni mogu proširiti navedene ciljane skupine, u skladu s potrebama i procjenama.

S tim u vezi, nalaže se vladama kantona, odnosno kriznim štabovima kantonalnih ministarstava zdravstva da osiguraju sve preduvjete neophodne za primjenu pravila VTP (vakcinisan/a, testiran/a, prebolio/la), a što podrazumijeva organiziranje punktova za vakcinaciju, testiranje, blagovremeno izdavanje potvrda o vakcinaciji, nadzora i kontole i dr.

Izuzetak od primjene pravila VTP mogu biti osobe koje zbog medicinske indikacije ne mogu biti vakcinisane, ali testiranje istih treba biti osigurano od strane poslodavca.

4. Nalaže se svim zdravstvenim ustanovama na području Federacije BiH da nastave s kontinuiranim provođenjem i primjenom kantonalnog kriznog plana pripravnosti odgovora na pojavu COVID-19, a posebno mjera koje se odnose na hospitalizaciju osoba i drugih mjera prema izvorima zaraze, u skladu s revidiranim dokumentom „Upravljanje slučajem COVID-19 i osiguranje kontinuiteta zdravstvenih službi – prijenos u zajednici“.
5. U uvjetima povoljne epidemiološke situacije nalaže se svim zdravstvenim ustanovama na području Federacije Bosne i Hercegovine obavezno pružanje svih zdravstvenih usluga za koje su registrirani.
6. Nalaže se kriznim štabovima kantonalnih ministarstava zdravstva da budu spremni za slučaj zbrinjavanja većeg broja oboljelih u zdravstvenim ustanovama, u skladu s odredbama Zakona o zaštiti stanovništva od zaraznih bolesti („Službene novine Federacije BiH“, broj 29/05), a u skladu s epidemiološkom situacijom.

Nalaže se kantonalnim ministrima nadležnim za zdravstvo da poduzimaju mjere i aktivnosti u smislu angažiranja zdravstvenih radnika, organizacije i rasporeda rada i radnog vremena, promjene mjesta i uvjeta rada pojedinih zdravstvenih ustanova, ako dođe do pogoršanja epidemiološke situacije.

7. Zadužuju se zavodi za javno zdravstvo kantona da pojačaju nadzor nad provođenjem i primjenom kantonalnog kriznog plana pripravnosti i odgovora na pojavu novog koronavirusa (COVID-19).
8. U zdravstvenim ustanovama, bez obzira na oblik vlasništva, kao i privatnim praksama, obavezno je provođenje trijaže i pridržavanje striktnih mjera za prevenciju i kontrolu infekcije i praćenje općih i specifičnih preporuka radi sigurnosti osoblja i pacijenata u kontekstu COVID-19.
9. Nalaže se kliničkim centrima u Federaciji BiH, kao i općim, kantonalnim i specijalnim bolnicama u Federaciji BiH, da u slučaju pogoršanja epidemiološke situacije osiguraju 30% svojih kapaciteta za hospitalizaciju i liječenje pacijenata oboljelih od COVID-19. Za provođenje ove naredbe odgovorni su direktori i upravni odbori zdravstvenih ustanova, svako u okviru svojih zakonom utvrđenih nadležnosti.

U skladu s epidemiološkom situacijom COVID-19, svaka bolnica je dužna imati plan zadovoljenja povećanih potreba za COVID-19 kapacitetima. Plan mora biti jasan i precizan, koordiniran s kriznim štabom nadležnog ministarstva zdravstva, te sačinjen u skladu s revidiranim dokumentom „Upravljanje slučajem COVID-19 i osiguranje kontinuiteta zdravstvenih službi – prenos u zajednici“.

10. Nalaže se kriznim štabovima kantonalnih ministarstava zdravstva da u svim zdravstvenim ustanovama na području kantona, bez obzira na oblik vlasništva, kao i kliničkim centrima u Federaciji BiH, osiguraju u kontinuitetu rad bolničkih komisija i bolničkih timova s ciljem sprječavanja širenja COVID-19 infekcije u zdravstvenim ustanovama, u skladu s članom 51. Zakona o zaštiti stanovništva od zaraznih bolesti, kao i odredbama Pravilnika o uvjetima i načinu provođenja mjera za sprječavanje i suzbijanje bolničkih infekcija („Službene novine Federacije BiH“, broj 84/10).

11. Mikrobiološku djelatnost - laboratorijsku izolaciju virusne RNA i identifikaciju uzročnika zarazne bolesti (SARS-CoV-2) radi utvrđivanja dijagnoze na COVID19 obavljaju laboratorije zdravstvenih ustanova verificirane od strane Federalnog ministarstva zdravstva, kao i Veterinarski fakultet Univerziteta u Sarajevu – Laboratorija za molekularno-genetička i forenzička ispitivanja, kao podrška javnom sektoru zdravstva, i to za vrijeme trajanja potrebe za obavljanje ove djelatnosti u Federaciji BiH prema epidemiološkoj COVID-19 situaciji u BiH i u svijetu.

Sve verificirane laboratorije, kao i Veterinarski fakultet Univerziteta u Sarajevu – Laboratorija za molekularno-genetička i forenzička ispitivanja, kao podrška javnom sektoru zdravstva iz stava (1) ove tačke, dužne su čuvati originalne uzorke i ekstrakcije, na temperaturi od minimalno -20 °C, najmanje 14 dana, računajući od dana testiranja, kao i voditi ažurne evidencije o korištenim internim i pozitivnim kontrolama u smislu utvrđenih vrijednosti istih.

12. U svrhu unaprjeđenja odgovora na pandemiju COVID-19, kod pacijenata s izraženim kliničkim simptomima karakterističnim za ovo oboljenje (u skladu s definicijom slučaja), osim PCR temeljnih testova, koji ostaju zlatni standard za dijagnostiku, preporučuje se i korištenje antigenskih testova (Ag-RDT).

Antigenski testovi se mogu koristiti u situacijama kada je PCR nedostupan ili kada je potrebno duže vrijeme za obradu, ili kada je propisano ovom naredbom. Antigenski testovi za detekciju SARS-CoV-2 moraju ispunjavati minimalne zahtjeve: $\geq 90\%$ senzitivnost i $\geq 97\%$ specifičnost u usporedbi s referentnim PCR testom.

Testiranje Ag-RDT testovima se treba provoditi prema uputstvima proizvođača i unutar 5 - 7 dana nakon pojave simptoma. Negativan rezultat antigenskog testiranja ne može u potpunosti isključiti aktivnu COVID-19 infekciju te je kod simptomatskih pacijenata potrebno ponovljeno testiranje PCR testom.

Testiranje Ag-RDT testovima u svrhu dijagnostike provode zdravstvene ustanove.

Zdravstvena ustanova koja obavlja antigenska testiranja (Ag-RDT) dužna je redovno izvještavati zavod za javno zdravstvo kantona, a zavod za javno

zdravstvo kantona se obavezuje podatke o rezultatima antigenskog testiranja (Ag-RDT) dostavljati Zavodu za javno zdravstvo Federacije BiH.

13. U cilju brže i efikasnije laboratorijske detekcije SARS-CoV-2 virusa nalaže se svim kantonalnim ministarstvima zdravstva da u saradnji sa zavodima zdravstvenog osiguranja kantona, kao i drugim zdravstvenim ustanovama, stave u funkciju sve resurse i kapacitete laboratorija verificiranih od strane Federalnog ministarstva zdravstva, kao i Veterinarskog fakulteta Univerziteta u Sarajevu – Laboratorij za molekularno-genetička i forenzička ispitivanja, kao podršku javnom sektoru zdravstva.

14. Nalaže se mikrobiološkim laboratorijama da redovno dostavljaju podatke Zavodu za javno zdravstvo Federacije BiH o testiranim osobama na SARS-CoV-2 i rezultatima testiranja, putem online platforme COVID-19.ba, koja u realnom vremenu prikazuje podatke o COVID-19 u Federaciji BiH, a svakim danom do 12:00 sati za prethodni dan.

U slučaju da ovlaštene zdravstvene ustanove (privatne i javne) ne dostavljaju podatke putem online platforme COVID-19.ba, a kako je definirano ovom naredbom, pokrenut će se postupak po službenoj dužnosti o stavljanju izvan snage rješenja donesenog od strane Federalnog ministarstva zdravstva za obavljanje mikrobiološke djelatnosti - laboratorijska izolacija virusne RNA i identifikacija uzročnika zarazne bolesti (SARS- CoV-2).

Nalaže se zdravstvenim ustanovama da redovno dostavljaju podatke o hospitaliziranim pacijentima, uključujući i hospitalizirane pacijente u jedinicama intenzivne njege, pacijentima na respiratoru, težini kliničke slike i ishodu liječenja (oporavljeni i umrli), te podatke o vakcinalnom statusu, kao i vrsti primljene vakcine za sve hospitalizirane pacijente nadležnim kantonalnim zavodima za javno zdravstvo, koji su dužni izvijestiti Zavod za javno zdravstvo Federacije BiH, putem online platforme COVID-19.ba, svakim danom do 12:00 sati za prethodni dan.

Agregirane sedmične podatke o hospitaliziranim pacijentima, pacijentima na respiratoru, i vakcinalnom statusu hospitaliziranih pacijenata, nadležni kantonalni zavodi za javno zdravstvo dostavljaju Zavodu za javno zdravstvo Federacije BiH, putem e-maila (i.covic@zzjzfbih.ba i m.smjecanin@zzjzfbih.ba) svakog ponedjeljka do 11:00 sati, na propisanom obrascu.

15. Krizni štabovi kantonalnih ministarstava zdravstva imaju primjenjivati preporuke za otpuštanje osoba iz izolacije – COVID-19 sačinjene od Zavoda za javno zdravstvo Federacije BiH, koje su dostupne na stranici Zavoda www.zzjzfbih.ba.

16. Naređuje se kriznim štabovima kantonalnih ministarstava zdravstva da najmanje jednom mjesečno dostavljaju izvještaj o svom radu Kriznom štabu Federalnog ministarstva zdravstva.

17. Naređuje se svim pedijatrijskim i drugim službama zaduženim za provođenje imunizacije primarne zdravstvene zaštite da izvrše reviziju zdravstvenih kartona i plana za imunizaciju sve djece koja podliježu programu obavezne imunizacije do završetka srednje škole u saradnji s kantonalnim zavodima za javno zdravstvo i intenziviraju imunizaciju djece koja su propustila jednu ili više vakcina iz programa obavezne imunizacije, i to u roku od 30 dana od stupanja na snagu ove naredbe.

Odgovorna osoba za provođenje ove aktivnosti je direktor doma zdravlja te je isti dužan podnijeti izvještaj Zavodu za javno zdravstvo Federacije BiH i Federalnom ministarstvu zdravstva.

Zahitjeva se nadzor nad provođenjem ove mjere od strane nadležne inspekcije.

18. Naređuje se svim centrima za mentalno zdravlje da stave u punu funkciju svoje kapacitete kao podršku mentalnom zdravlju stanovništva. Odgovorna osoba za provođenje ove aktivnosti je direktor doma zdravlja te je isti dužan podnijeti izvještaj Zavodu za javno zdravstvo Federacije BiH i Federalnom ministarstvu zdravstva.

Zahitjeva se nadzor nad provođenjem ove mjere od strane nadležne inspekcije.

III. NAREDBE U VEZI ORGANIZIRANJA I PROVOĐENJA VAKCINACIJE PROTIV COVID-19

1. Naređuje se nadležnim tijelima vlasti u kantonima, kao i zdravstvenim ustanovama u kantonima koontinuirano provođenje vakcinacije protiv COVID-19 u skladu s Pravilnikom o načinu provođenja obavezne imunizacije, imunoprofilakse i hemoprofilakse protiv zaraznih bolesti, te o osobama koje se podvrgavaju toj obavezi („Službene novine Federacije BiH“, br. 22/19, 12/21 i 47/21 i 69/21), kao i preporukama Stručnog savjetodavnog tijela za imunizaciju Federalnog ministarstva zdravstva.

2. Nadležna tijela vlasti u kantonima, kao i zdravstvene ustanove u kantonima, dužna su osigurati pomoć za komunikaciju s osobama koje imaju poteškoće sa sluhom i vidom, i to najmanje jedan dan u sedmici na mjestu provođenja vakcinacije, a u skladu s odredbama člana 12. Zakona o pravima, obavezama i odgovornostima pacijenata („Službene novine Federacije BiH“, broj 40/10).

3. Zavod za javno zdravstvo Federacije BiH će organizirati vakcinaciju grupa od posebnog značaja za Federaciju Bosne i Hercegovine i Bosnu i Hercegovinu.

4. U skladu s Pravilnikom o načinima provođenja obavezne imunizacije, imunoprofilakse i hemoprofilakse protiv zaraznih bolesti, te o osobama koje se podvrgavaju toj obavezi i dopunama navedenog pravilnika nalaže se

zdravstvenim ustanovama da redovno unose podatke o vakcinaciji protiv COVID19 i putem baze: vaccine.covid-19.ba.

5. Svaki kanton je dužan formirati elektronsku bazu podataka o vakcinisanim osobama s područja kantona. Rok za realizaciju ove aktivnosti je 31.12.2021.

Organizacija vakcinacije protiv COVID-19 na nivou kantona

1. Nadležna tijela vlasti u kantonima, kao i zdravstvene ustanove u kantonima, dužna su otvoriti punktove za vakcinaciju protiv COVID-19 na nivou svake općine s ciljem veće dostupnosti vakcinacije protiv COVID-19 stanovništvu.

2. Nadležna tijela vlasti u kantonima, kao i zdravstvene ustanove u kantonima, dužna su formirati mobilne timove, napraviti planove za vakcinaciju, te u skladu s istim provoditi vakcinaciju protiv COVID-19 ugroženih i vulnerabilnih grupa stanovništva (osobe koje zbog zdravstvenog stanja nisu u mogućnosti doći u vakcinalne centre ili iz drugog opravdanog razloga). Rok za realizaciju ove aktivnosti je 30.11.2021. godine.

3. Nadležna tijela vlasti u kantonima, kao i zdravstvene ustanove u kantonima, dužna su formirati mobilne timove, napraviti planove za vakcinaciju, te u skladu s istim provoditi vakcinaciju protiv COVID-19 stanovništva koje je udaljeno od sjedišta centra za vakcinaciju, kao i vakcinaciju u obrazovnim ustanovama i pravnim subjektima koji upošljavaju više od 30 osoba. Rok za realizaciju ove aktivnosti je 30.11.2021. godine.

4. Nadležna tijela vlasti u kantonima, kao i zdravstvene ustanove u kantonima, dužna su organizirati vakcinaciju protiv COVID-19 tako da će se usluga vakcinacije pružati svakog radnog dana, najmanje tri puta u sedmici do 20:00 sati, te minimalno jedan dan tokom vikenda.

5. Nadležna tijela vlasti u kantonima, kao i zdravstvene ustanove u kantonima, dužna su organizirati vakcinaciju protiv COVID-19 na mjestima većeg javnog okupljanja minimalno jednom sedmično. Zavodi za javno zdravstvo kantona dužni su o ovoj aktivnosti izvještavati krizne štabove kantonalnih ministarstava zdravstva i Krizni štab Federalnog ministarstva zdravstva jednom mjesečno.

6. Zavodi za javno zdravstvo kantona dužni su verificirati planove iz tačke 2. i 3. ovog dijela Naredbe, obavljati monitoring i evaluaciju nad provođenjem navedenih planova za vakcinaciju, te o istome mjesečno informirati krizne štabove kantonalnih ministarstava zdravstva i Krizni štab Federalnog ministarstva zdravstva.

IV. NAREDBE ZA POSLOVNE SUBJEKTE

1. Nalaže se svim pravnim i fizičkim osobama, koje zapošljavaju više od 20 radnika, da imaju krizni plan pripravnosti i odgovora na pojavu COVID-19, kojim će biti usklađena organizacija rada navedenih subjekata s datim preporukama i smjernicama Zavoda za javno zdravstvo Federacije BiH i kantonalnih zavoda za javno zdravstvo, te da osiguraju njegovo redovno provođenje.
2. Nalaže se poslovnim subjektima da reorganiziraju rad svojih zaposlenika, na mjestima gdje nije moguće poštivati razmak od 2 metra među zaposlenima, tako što će reorganizirati radno vrijeme, organizirati rad u smjenama, omogućiti rad od kuće i primijeniti druge načine obavljanja radnih zadataka koji neće ugroziti djelatnosti i radne procese, a omogućit će poštivanje higijensko-epidemioloških mjera.

V. NAREDBE ZA SUPERMARKETE I VELETRGOVINE

1. U veletrgovinama i supermarketima se ograničava broj kupaca prema sljedećim kriterijima, tako da se definira prostor od 10 m² prodajnog objekta po potrošaču.
2. Bez obzira na veličinu prostora prodajnog objekta, nije dopušten boravak više od 400 potrošača.
3. Supermarketi i veletrgovine, kao i drugi objekti slične namjene, dužni su na ulazu u objekat na vidljivom mjestu postaviti informacije o veličini prodajnog prostora i maksimalno dopuštenom broju potrošača u skladu s definiranim prodajnim prostorom/broj potrošača.
4. Supermarketi i veletrgovine, kao i drugi objekti slične namjene, dužni su osigurati rad svih kasa/naplatnih mjesta.
5. Supermarketi, veletrgovine, tržni centri, kao i drugi objekti slične namjene, dužni su osigurati COVID-redare.

VI. NAREDBE ZA UGOSTITELJSKE OBJEKTE

1. Dopušta se pružanje usluga u ugostiteljskim objektima u otvorenom i zatvorenom prostoru, samo sjedeća mjesta, uz obavezno pridržavanje preporuka donesenih od zavoda za javno zdravstvo u Federaciji BiH (higijensko-epidemioloških mjera) u skladu s Poglavljem I. „Opće naredbe“, tač. 2. – 6. Pružanje usluga u ugostiteljskim objektima dopušteno je za maksimalno 50 osoba u zatvorenom prostoru i 100 osoba na otvorenom prostoru ugostiteljskog objekta, i to isključivo uz uvjet da veličina zatvorenog i otvorenog prostora ugostiteljskog objekta omogućava poštivanje navedenih mjera i preporuka zavoda za javno zdravstvo u Federaciji BiH.

2. Nalaže se kriznim štabovima kantonalnih ministarstava zdravstva da definiraju način rada ugostiteljskih objekata, u skladu s analizom rizika i epidemiološkom situacijom.

VII. NAREDBE ZA USTANOVE KOJE ZBRINJAVAJU I SMJEŠTAJU STARIJE OSOBE, USTANOVE KOJE ZBRINJAVAJU I SMJEŠTAJU OSOBE S POTEŠKOĆAMA U RAZVOJU I OSOBE S DUŠEVNIM SMETNJAMA, KAZNENOPOPRAVNE USTANOVE I DRUGE USTANOVE SOCIJALNE ZAŠTITE

1. Dopuštaju se posjeti i izlaz osobama smještenim u ustanovama socijalne zaštite koje zbrinjavaju i smještaju starije osobe, uz uvjet da ustanova mora imati interni plan za posjete u ustanovi, kao i krizni plan u slučaju pojave zarazne bolesti COVID-19.

Ostale ustanove socijalne zaštite, uključujući u ovo i ustanove socijalne zaštite koje zbrinjavaju i smještaju osobe s poteškoćama u razvoju i osobe s duševnim smetnjama, te kazneno-popravne ustanove, moraju imati interni plan za posjete i izlaske iz ustanove, kao i krizni plan u slučaju pojave zarazne bolesti COVID-19, te imaju obavezu postupanja po istom.

2. Dopušta se prijem novih korisnika u ustanovama socijalne zaštite, uz uvjet da je prethodno provedeno PCR testiranje na COVID-19. Navedeno se primjenjuje i kod premještanja korisnika iz zdravstvene ustanove u ustanovu socijalne zaštite. Obaveza je ustanove socijalne zaštite osigurati prostor za izolaciju korisnika.

VIII. NAREDBE ZA GRADSKI, PRIGRADSKI I MEĐUGRADSKI PREVOZ

1. Dopušta se rad gradskog, prigradskog i međugradskog prevoza, uz obavezno pridržavanje preporuka donesenih od zavoda za javno zdravstvo u Federaciji BiH (higijensko-epidemioloških mjera).
2. Prevoznici u gradskom, prigradskom i međugradskom prevozu dužni su osigurati COVID-redare.

IX. NAREDBE ZA OBRAZOVNE USTANOVE

1. Nadležna ministarstva obrazovanja kantona u saradnji s kriznim štabovima kantonalnih ministarstava zdravstva i zavoda za javno zdravstvo kantona će spram epidemiološke situacije COVID-19 na području kantona donijeti odluku o modelu i početku pohađanja nastave u novoj školskoj 2021./2022. godini za osnovno i srednje obrazovanje.

2. U cilju sprječavanja širenja COVID-19, svaka obrazovna ustanova na području kantona mora imati krizni plan pripravnosti i odgovora na pojavu COVID-19 i imenovan operativni tim za praćenje implementacije kriznog plana.
3. Obavezuju se kantonalne uprave za inspekcijske poslove, kao i nadležni inspektori pri gradovima i općinama, da nalože svim obrazovnim ustanovama u kantonu, u čijim prostorima i tokom provođenja obrazovnog procesa može doći do prenosa zarazne bolesti COVID-19, kao i drugih zaraznih bolesti, da uspostave i provode redovne kontrole higijenskih i zdravstveno-tehničkih uvjeta u objektu i procesu rada, provođenje planova samokontrole sačinjenih u skladu s načelima analize rizika i kritičnih kontrolnih tačaka, a prema preporukama nadležnog zavoda za javno zdravstvo kantona. Navedeno uključuje i kontinuiran pojačan inspekcijski nadzor od nadležnih inspekcija u obrazovnim ustanovama s ciljem sprječavanja prenosa COVID-19.
4. Održavanje pripravničkog i specijalističkog, odnosno subspecijalističkog staža zdravstvenih radnika u zdravstvenim ustanovama te drugim institucijama u kojima se staž obavlja, polaganje stručnih, specijalističkih i subspecijalističkih ispita zdravstvenih radnika, kao i obavljanje pripravničkog staža i polaganje stručnih ispita u drugim strukama, odvija se uz striktno pridržavanje preporuka donesenih od zavoda za javno zdravstvo u Federaciji BiH (higijensko-epidemioloških mjera).
5. Nastava na fakultetima u akademskoj 2020./2021. godini odvija se uz striktno i kontinuirano pridržavanje higijensko-epidemioloških mjera za prevenciju COVID19.
6. Tač. 3. i 4. ovog poglavlja primjenjuje se i na fakultete prilikom održavanja nastave u akademskoj 2020./2021. godini.

X. NAREDBE ZA POZORIŠTA I KINA

1. Izuzetno od Poglavlja I. „Opće naredbe“, tačke 3. kojom je utvrđeno da je u zatvorenom prostoru dopušteno okupljanje ljudi, ali ne više od 50 osoba, pozorištima i kinima dopušta se organiziranje predstava i projekcija filmova za ne više od 100 osoba, uz poštivanje higijensko-epidemioloških preporuka te obavezni fizički razmak od najmanje 2 metra između osoba, kao i pod uvjetom da veličina prostora u kojem se održavaju predstave i projekcije filmova omogućava provođenje navedenih mjera.
2. Krizni štabovi kantonalnih ministarstava zdravstva na osnovu procjene COVID-19 epidemiološke situacije na području kantona mogu reducirati broj osoba od maksimalno dopuštenog broja osoba iz tačke 1. ovog poglavlja.

XI. NAREDBE ZA SPORTSKA TAKMIČENJA I TRENAŽNE PROCESSE

1. Dopušta se održavanje profesionalnih sportskih takmičenja na otvorenom uz prisustvo gledalaca i pridržavanje higijensko-epidemioloških mjera, te u zatvorenom prostoru uz prisustvo gledalaca (ne više od 30% popunjenosti ukupnih kapaciteta) i uz uvjete primjene pravila VTP (vakcinisan/a, testiran/a, prebolio/a,) definirano u općem dijelu ove naredbe, tačka 5. i uz poštivanje higijensko-epidemioloških mjera.
2. Osobe na tribinama ne smiju imati navijačke rekvizite te moraju nositi zaštitne maske. Prilikom ulaska i izlaska sa stadiona potrebno je osigurati organizirani ulazak, uz poštivanje higijensko-epidemioloških mjera kao što su nošenje zaštitnih maski i držanje razmaka, za što su zaduženi COVID-redari.
3. Prilikom ulaska na stadion potrebno je staviti u upotrebu sve ulaze kako bi se smanjio rizik većeg okupljanja.
4. Dopušta se održavanje trenažnih procesa sportista svih profesionalnih sportskih klubova, uz obavezno pridržavanje preporuka donesenih od zavoda za javno zdravstvo u Federaciji BiH (higijensko-epidemioloških mjera).
5. Sportski savezi i organizatori sportskih takmičenja i trenažnih procesa iz ove tačke odgovorni su za provođenje higijensko-epidemioloških mjera.

XII. NAREDBE ZA ODRŽAVANJE KONGRESA, KONFERENCIJA I DRUGIH EDUKATIVNIH SKUPOVA U FEDERACIJI BOSNE I HERCEGOVINE

1. Dopušta se održavanje kongresa, konferencija i drugih edukativnih skupova, i to do 100 osoba, uz obavezno pridržavanje preporuka koje donosi Zavod za javno zdravstvo Federacije BiH (higijensko-epidemioloških mjera).
2. Organizator skupa u kojem učestvuje više od 100 osoba dužan je prethodno osigurati saglasnost nadležnog kriznog štaba kantonalnog ministarstva zdravstva, koje se izdaje na osnovu mišljenja nadležnog zavoda za javno zdravstvo kantona i sadrži procjenu rizika.
3. Ako skup ima više od 100 osoba, potrebno je da učesnici imaju:
 - negativan antigenski ili PCR test, ne stariji od 48 sati, ili
 - potvrdu o prebolovanom COVID-19 ne stariju od 6 mjeseci, ili
 - potvrdu o završenoj vakcinaciji.
4. Sva mjesta moraju biti numerirana i svi učesnici popisani po sjedećim mjestima. Tokom skupa svi učesnici moraju sjediti na istim numeriranim mjestima.

5. Tokom pauze učesnici se moraju pridržavati propisanih higijensko-epidemioloških mjera.
6. Sjedenje za vrijeme objeda mora biti fiksno, odnosno svaki dan skupa sjede iste osobe za stolom, uz fizički razmak.

XIII. NAREDBE ZA NADLEŽNA INSPEKCIJSKA TIJELA I NADLEŽNE UPRAVE POLICIJA

1. Zadužuju se Federalna uprava za inspekcijske poslove, kantonalne uprave za inspekcijske poslove, kao i inspekcije organizirane pri nadležnim ministarstvima u kantonu, odnosno nadležni općinski i gradski inspektori da pojačaju inspekcijski nadzor, a u cilju kontrole provođenja naređenih mjera i sprječavanja širenja COVID19 na području svoje jurisdikcije.
2. Zadužuju se FMUP – Federalna uprava policije i MUP kantona – Uprava policije u skladu s tačkom IV. Odluke o proglašenju prestanka stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH“, br. 34/20 i 5/21) da poduzimaju mjere iz svoje nadležnosti kao podrška inspekcijskim službama, a u cilju kontrole provođenja naređenih mjera i sprječavanja širenja COVID-19 na području svoje jurisdikcije.
3. Zadužuju se Federalna uprava za inspekcijske poslove, kantonalne uprave za inspekcijske poslove, kao i inspekcije organizirane pri nadležnim ministarstvima u kantonu, odnosno nadležni općinski i gradski inspektori da dostave Kriznom štabu Federalnog ministarstva zdravstva, odnosno kriznim štabovima kantonalnih ministarstava zdravstva, izvještaje o pojačanom inspekcijskom nadzoru, a u cilju kontrole provođenja naređenih mjera i sprječavanja širenja COVID-19 na području svoje jurisdikcije te da navedene izvještaje nastave dostavljati u kontinuitetu svakih 14 dana. Krizni štabovi kantonalnih ministarstava zdravstva navedene objedinjene izvještaje za područje kantona dostavljaju Kriznom štabu Federalnog ministarstva zdravstva.

XIV. NAREDBE ZA ODRŽAVANJE SJEDNICA I RADNIH TIJELA PARLAMENTA FEDERACIJE BOSNE I HERCEGOVINE

1. Izuzetno od Poglavlja I. „Opće naredbe“, tačke 3. kojom je utvrđeno da je u zatvorenom prostoru dopušteno okupljanje ljudi, ali ne više od 50 osoba, dopušta se održavanje sjednica i radnih tijela Parlamenta Federacije Bosne i Hercegovine, uz poštivanje higijensko-epidemioloških preporuka Zavoda za javno zdravstvo Federacije Bosne i Hercegovine, koje su sastavni dio ove naredbe, kao i pod uvjetom da veličina prostora u kojem se održavaju sjednice i radna tijela Parlamenta Federacije Bosne i Hercegovine omogućava provođenje navedenih mjera.

2. Nalaže se kriznim štabovima kantonalnih ministarstava zdravstva da na osnovu procjene COVID-19 epidemiološke situacije i uz higijensko-epidemiološke preporuke zavoda za javno zdravstvo kantona, na području kantona, kao i općina, donesu naredbu za održavanje sjednica i radnih tijela zakonodavnih tijela kantona, kao i tijela odlučivanja u jedinicama lokalne samouprave (gradska, općinska vijeća i sl.).

XV. NAREDBE ZA ODRŽAVANJE PRETRESA U SUDOVIMA U FEDERACIJI BOSNE I HERCEGOVINE

1. Izuzetno od Poglavlja I. „Opće naredbe“, tačke 3. kojom je utvrđeno da je u zatvorenom prostoru dopušteno okupljanje ljudi, ali ne više od 50 osoba, dopušta se održavanje pretresa u Vrhovnom sudu Federacije Bosne i Hercegovine, uz poštivanje higijensko-epidemioloških preporuka Zavoda za javno zdravstvo Federacije Bosne i Hercegovine, koje su sastavni dio ove naredbe, kao i pod uvjetom da veličina prostora u kojem se održavaju pretresi omogućava provođenje navedenih mjera.
2. Nalaže se kriznim štabovima kantonalnih ministarstava zdravstva da na osnovu procjene COVID-19 epidemiološke situacije i uz higijensko-epidemiološke preporuke zavoda za javno zdravstvo kantona, na području kantona, kao i općina, donesu naredbe za održavanje pretresa u sudovima na području kantona, kao i općina.



27
1005
P29

Bosnia and Herzegovina
Federation of Bosnia and Herzegovina

CANTON SARAJEVO
Government

CS.11.21
02-04-11327-1/21

Broj: 02-04-40041-21/21
Sarajevo, 04.11.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), člana 9., a u vezi sa članom 1. Pravilnika o organiziranju i načinu rada Kriznog štaba Federalnog ministarstva zdravstva („Službene novine Federacije BiH”, broj: 10/12), a u vezi sa Odlukom Ustavnog suda Bosne i Hercegovine AP 3683/20 od dana 22.12.2020. godine („Službene novine Federacije BiH”, broj: 16/21) na prijedlog Kriznog štaba Ministarstva zdravstva Kantona Sarajevo, Vlada Kantona Sarajevo, na 49. sjednici održanoj 04.11.2021. godine, donijela je

ZAKLJUČAK

1. Produžava se važenje Naredbi i Preporuka Kriznog štaba Ministarstva zdravstva Kantona Sarajevo usvojenih Zaključkom Vlade Kantona Sarajevo, broj: 02-04-31997-5/21 od 26.08.2021. godine, broj: 02-04-33737-3/21 od 09.09.2021. godine, broj: 02-04-34964-23/21 od 23.09.2021. godine, broj: 02-04-36903-5/21 od 07.10.2021. godine i broj: 02-04-38556-24/21 od 21.10.2021.godine.
2. Daje se preporuka za vakcinaciju protiv Covid-19 sa 3. booster dozom, za sve zdravstvene radnike kod kojih je prošlo 6 mjeseci i više od prijema druge doze vakcine.
3. Daje se preporuka za vakcinaciju protiv Covid-19 djece starosne dobi od 12 godina uz saglasnost roditelja.
4. Daje se preporuka poslodavcima da svojim uposlenicima na dan vakcinisanja odobre plaćeni dan odsustva sa posla.
5. Daje se preporuka za provođenje webinar sa školama osnovnog i srednjeg obrazovanja na temu vakcinacije djece i roditelja, a u organizaciji JU Zavod za javno zdravstvo Kantona Sarajevo.
6. Nalaže se JU Dom zdravlja Kantona Sarajevo i JU Zavod za javno zdravstvo Kantona Sarajevo da organizuju vakcinalni tim / vakcinalni punkt za provođenje vakcinacije građana u dane vikenda i to 06.11./07.11.2021. godine u tržnom centru Sarajevo City Center, te 13.11./14.11.2021. godine u tržnom centru Bingo City Centar.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





SISTEM IZVOĐENJA NASTAVE ZA ZIMSKI SEMESTAR AKADEMSKE 2021/2022. GODINE – I (PRVI) CIKLUS STUDIJA

Nastava za studente Ekonomskog fakulteta u zimskom semestru akademske 2021/2022. godine će se izvoditi po sistemu koji kombinuje In class/(BBB) sesije (live sesije putem virtuelne učionice) i "online" oblik izvođenja nastave uz korištenje online materijala sa standardnog Moodle courseware-a. Raspored izvođenja nastave po sedmicama dat je u tabeli u nastavku.

Raspored izvođenja nastave po sedmicama

I CIKLUS STUDIJA					
Sedmica	Datum	Redovi studij (1. godina)	Redovni studij (2. i 3. godina)	DL studij (1. godina)	DL studij (2. i 3. godina)
1.	04. 10. – 09. 10. 2021.	BBB live sesije		BBB live sesije	
2.	11. 10. - 16. 10. 2021.	BBB live sesije		Online	
3.	18. 10. – 23. 10. 2021.	BBB live sesije	BBB live sesije	Online*	BBB live sesije
4.	25. 10. – 30. 10. 2021.	Online	Online	Online	Online*
5.	01. 11. – 06. 11. 2021.	BBB live sesije	BBB live sesije	BBB live sesije	BBB live sesije*
6.	08. 11. – 13. 11. 2021.	Online	BBB live sesije*	Online	Online

7.	15. 11. – 20. 11. 2021.	BBB live sesije/In class	BBB live sesije/In class	Online*	Online*
8.	22. 11. – 27. 11. 2021.	BBB live sesije: Assignment week	BBB live sesije: Assignment week	BBB live sesije: Assignment week	BBB live sesije: Assignment week
9.	29. 11. – 04. 12. 2021.	BBB live sesije	BBB live sesije	Online	Online
10.	06. 12. – 11. 12. 2021.	BBB live sesije	BBB live sesije*	BBB live sesije	BBB live sesije*
11.	13. 12. – 18. 12. 2021.	Online	Online	Online	Online
12.	20. 12. – 25. 12. 2021.	BBB live sesije	BBB live sesije	Online*	Online*
13.	27. 12. – 01. 01. 2022.	Online	Online	Online	Online
14.	03. 01. – 08. 01. 2022.	BBB live sesije/In class	BBB live sesije/In class	BBB live sesije	BBB live sesije
15.	10. 01. -15.01. 2022.	Online	Online	Online	Online

Obrazloženje:

- BBB live sesija: u navedenim sedmicama nastava se izvodi putem live sesija u virtuelnoj učionici (BigBlueButton - BBB).
- BBB live sesije/In class: odluka o organizaciji in class nastave ili BBB live sesije će biti donesena naknadno.
- Online: u navedenim sedmicama na Courseware-u predmeta se objavljuje materijal za predavanja/vježbe na osnovu kojeg studenti samostalno pripremaju nastavnu temu.
- BBB* live sesije – u navedenim sedmicama se drži BBB sesija i dodatno se organizuje nadoknada online sedmica na način da se na Courseware-u predmeta objavljuje materijal za predavanja/vježbe na osnovu kojeg studenti samostalno pripremaju nastavnu temu koja se nadoknađuje.
- Online*: u navedenim sedmicama na DL studiju objavljuje se snimljeno predavanje i organizuje 20 minuta live konsultacija u terminu predavanja/vježbi.
- BBB live sesije - Assignment week: u navedenoj sedmici organizuje se parcijalni/midterm test.

Način održavanje nastave se može izmijeniti zavisno od epidemiološke situacije i uputa nadležnih.

Prof. dr. Eldin Mehić



SISTEM IZVOĐENJA NASTAVE ZA ZIMSKI SEMESTAR AKADEMSKE 2021/2022. GODINE – II CIKLUS STUDIJA – II (DRUGA) GODINA

Nastava za studente Ekonomskog fakulteta u zimskom semestru akademske 2021/2022. godine će se izvoditi po sistemu koji kombinuje In class/(BBB) sesije (live sesije putem virtuelne učionice) i "online" oblik izvođenja nastave uz korištenje online materijala sa standardnog Moodle courseware-a. Raspored izvođenja nastave po sedmicama dat je u tabeli u nastavku.

Raspored izvođenja nastave po sedmicama

		II CIKLUS STUDIJA
Sedmica	Datum	Redovni, RSF i DL studij (2. godina)
1.	25. 10. – 30. 10. 2021.	BBB live sesije
2.	01. 11. – 06. 11. 2021.	Online
3.	08. 11. – 13. 11. 2021.	BBB live sesije*
4.	15. 11. – 20. 11. 2021.	BBB live sesije*
5.	22. 11. – 27. 11. 2021.	BBB live sesije*
6.	29. 11. – 04. 12. 2021.	BBB live sesije*
7.	06. 12. – 11. 12. 2021.	Online
8.	13. 12. – 18. 12. 2021.	BBB live sesije*
9.	20. 12. – 25. 12. 2021.	Online
10.	27. 12. – 01. 01. 2022.	BBB live sesije*

Obrazloženje:

- BBB live sesija: u navedenim sedmicama nastava se izvodi putem live sesija u virtuelnoj učionici (BigBlueButton - BBB).
- BBB live sesije/In class: odluka o organizaciji in class nastave ili BBB live sesije će biti donesena naknadno.
- Online: u navedenim sedmicama na Courseware-u predmeta se objavljuje materijal za predavanja/vježbe na osnovu kojeg studenti samostalno pripremaju nastavnu temu.
- BBB* live sesije – u navedenim sedmicama se drži BBB sesija i dodatno se organizuje nadoknada online sedmica na način da se na Courseware-u predmeta objavljuje materijal za predavanja/vježbe na osnovu kojeg studenti samostalno pripremaju nastavnu temu koja se nadoknađuje.
- Online*: u navedenim sedmicama na DL studiju objavljuje se snimljeno predavanje i organizuje 20 minuta live konsultacija u terminu predavanja/vježbi.
- BBB live sesije - Assignment week: u navedenoj sedmici organizuje se parcijalni/midterm test.

Način održavanje nastave se može izmijeniti zavisno od epidemiološke situacije i uputa nadležnih.

Prof. dr. Eldin Mehić